

Često postavljana pitanja

Pojedinačni izvještaji o učenicima

NAPLAN

2021

NAPLAN je nacionalna ocjena pismenosti i računanja kroz koju učenici 3., 5., 7. i 9. razreda prolaze u maju svake godine. Poznavanje pismenosti i računanja presudni su temelj za svako učenje. NAPLAN je jedina nacionalna ocjena u kojoj mogu učestvovati sva djeca u Australiji. Pitanjima se ocjenjuje sadržaj vezan za australski nastavni plan: engleski jezik i matematika.

Rezultati NAPLAN-a omogućavaju roditeljima/starateljima i odgajateljima da vide kako učenici vremenom napreduju u pismenosti i računanju - pojedinačno, kao dio svoje školske zajednice, i u odnosu na nacionalne standarde.

NAPLAN testovi su jedan aspekt procesa ocjenjivanja i izvještavanja svake škole i ne zamjenjuju opsežne stalne ocjene nastavnika o uspjehu svakog učenika. Učitelj vašeg djeteta ima najbolji uvid u obrazovni napredak vašeg djeteta. Zajedno s ostalim izvještajima o školskim ocjenama, NAPLAN izvještaji mogu se koristiti za razgovor s učiteljem o onome u čemu je dijete dobro kao i o područjima gdje je potrebno poboljšanje.

Kad ću dobiti izvještaj NAPLAN-a mog djeteta i šta ću iz njega saznati?

Ako ste roditelj/staratelj učenika koji je u maju ove godine uradio NAPLAN testove, škola u koju dijete ide dostavit će vam izvještaj o pojedinačnim rezultatima vašeg djeteta.

Možete očekivati da ćete od augusta dobiti izvještaj NAPLAN-a svog djeteta, nakon što državne i teritorijalne uprave za testiranje (www.nap.edu.au/taa) dostave školama pojedinačne izvještaje NAPLAN-A učenika.

Vidjet ćete pet skala postignutih rezultata (ili 'raketnih brodova') koji pokazuju rezultate vašeg djeteta na NAPLAN-u u čitanju, pisanju, pravopisu, gramatici i interpunkciji i u računanju.

Rezultati procjene pismenosti i računanja za 3., 5., 7. i 9. razrede izvještavaju se na skali u opsegu od Band 1 do Band 10. Ova skala predstavlja povećanje nivoa znanja, razumijevanja i vještina pokazanih u ocjenjivanju.

Kako se NAPLAN dostavlja školama?

NAPLAN prelazi na online (internet), s ciljem da sve škole pređu s testova na papiru na testove online do 2022. godine.

To znači da su neki učenici u maju 2021. radili NAPLAN na papiru, dok su drugi radili testove online.

NAPLAN Online pruža bolju procjenu, preciznije rezultate i zanimljiviji je učenicima.

Kako se čita izvještaj?

Ispod svakog raketnog broda nalazi se izjava u kojoj se navodi je li vaše dijete svaku procjenu obavilo online ili na papiru. Svi učenici 3. razreda rade test iz pisanja na papiru.

Bez obzira na to rade li učenici test online ili na papiru:

- učenici se ocjenjuju po istim fundamentalnim znanjima pismenosti i računanja koja se uče u sklopu sadržaja nastavnog plana
- rezultati učenika nastavit će se mjeriti prema istim NAPLAN-ovim skalama za procjenu, što znači da su rezultati oba formata usporedivi.

NAPLAN je vrijedan alat koji može dati koristan uvid u uspjeh učenika tokom vremena, ali pojedinačne izvještaje treba pažljivo tumačiti jer odražavaju uspjeh učenika na dan testiranja.

razred. Izvještaj za 3. razred prikazuje opsege (bands) od 1–6, za 5. razred opsege (bands) od 3–8, za 7. razred opsege (bands) od 4–9, i za 9. razred opsege (bands) od 5–10. Dijagrami u izvještaju o učeniku pokazuju raspon za srednjih 60 posto učenika, nacionalni prosječni rezultat i nacionalni minimalni standard za svaki razred. Izvještaji u nekim državama i teritorijama također pokazuju školski i/ili državni prosjek. Izvještaj također rezimira znanja koje su učenici obično pokazali u ocjenama u svakom opsegu (band).

Kako NAPLAN pomaže mom djetetu?

NAPLAN pruža priliku učenicima da pokažu šta su naučili u područjima pismenosti i računanja. Pojedinačni rezultati učenika pokazuju roditeljima/starateljima kako se njihovo dijete pokazalo na testovima čitanja, pisanja, pravopisa, gramatike i interpunkcije i računanja.

Postignuti uspjesi vašeg djeteta uspoređuju se s postignutim uspjesima svih učenika u Australiji, a ne samo s postignutim uspjesima učenika u njihovom razredu. Rezultati NAPLAN-a mogu pomoći roditeljima i učenicima da s nastavnicima razgovaraju o individualnom napretku učenika. Budući da NAPLAN prati napredak vašeg djeteta tokom 3., 5., 7. i 9. razreda, pruža vam također objektivne informacije o napretku postignutog uspjeha učenika u pismenosti i računanju.

Kakav će uticaj imati ovi rezultati na budućnost mog djeteta?

Rezultati NAPLAN-a pružaju važne informacije o poznavanju pismenosti i računanja koje vaše dijete uči u svom redovnom školskom programu. Ovi rezultati dopunjuju druga ocjenjivanja koja vaše dijete ima u školi. Oni pružaju vama i nastavnicima vašeg djeteta razumijevanje postignutih rezultata i napredovanja vašeg djeteta u vrijeme ocjenjivanja. Ove informacije se mogu koristiti kao podrška vašem djetetu da iskoristi svoj puni potencijal.

Neke škole mogu tražiti i NAPLAN izvještaje, uz školske izvještaje, u sklopu svog procesa upisa učenika. Ocjene NAPLAN-a nisu mišljene da budu ispit za upis u školu. Međutim, rezultati mogu biti korisni da se nova škola obavijesti o potrebama učenika. Ako vas nešto brine, ACARA vam savjetuje da porazgovarate sa školom.

Kako NAPLAN pomaže mojoj školi?

NAPLAN je jedina nacionalna ocjena kojoj pristupaju djeca u Australiji. NAPLAN pomaže:

- nastavnicima da bolje identificiraju učenike kojima su potrebni veći izazovi ili dodatna podrška
- školama da uvide šta je dobro i u kojim područjima je potrebno poboljšanje u nastavnim programima
- školama da postavje ciljeve u pismenosti i računanju

- školskim sistemima da izvrše reviziju programa i podrške koja se nudi školama
- zajednici da vidi prosječne školske rezultate na web stranici *My School*

NAPLAN također dopunjuje druge školske procjene i pruža nacionalno usporedive podatke koji pomažu vladama da procijene kako funkcioniraju obrazovni programi i zadovoljavaju li učenici važne standarde pismenosti i računanja.

Ko će još vidjeti rezultate?

Svake godine organi za testiranje daju školama rezultate za sve učenike koji rade NAPLAN. Školama se savjetuje da ove rezultate koriste da bi obavijestile kakve imaju planove za poboljšanje u cijeloj školi. Pojedinačni učenički izvještaji su povjerljivi. Niko osim vašeg lokalnog tijela za testiranje ili vaše škole neće vidjeti izvještaj vašeg djeteta.

Prosječni školski rezultati objavljuju se na *My School* (www.myschool.edu.au). Web stranica se ažurira rezultatima iz prethodne godine u prvom tromjesečju svake godine. *My School* omogućava zajednici da vidi aspekte profila svake škole, kao i da napravi usporedbu sa školama koje služe sličnoj populaciji učenika. Individualni rezultati vašeg djeteta nisu dostupni na *My School*.

Šta ako rezultati nisu onakvi kakve smo moje dijete i ja očekivali?

NAPLAN testovi ocjenjuju napredak u učenju u pismenosti i računanju. Učenicima se daje indikacija gdje su njihovi rezultati na skali ocjenjivanja za svaki test. Iako se NAPLAN rezultati mogu uspoređivati na nacionalnom nivou između svih učenika i tokom vremena, učenikovo iskustvo na dan testa može mu uticati na uspjeh.

Ako imate bilo kakvih pitanja ili nedoumica u vezi sa rezultatima vašeg djeteta u NAPLAN-u, porazgovarajte o tome s djetetovim nastavnikom, koji ima najbolji uvid u napredak vašeg djeteta u obrazovanju.

Da biste saznali više o NAPLAN-u i/ili prelasku na online, posjetite www.nap.edu.au